

沅
湘
耆
舊
集

沅湘耆舊集卷第一百二十四

新化鄧顯鶴湘臯編輯

長沙毛國翰青垣校訂

鄧方廷正笏二十八首

正笏字方廷醴陵人所居有畫村故自號畫村乾
隆中貢生有澹雲亭集岸花騰笑草方廷爲醴陵
名宿與吾邑孫石溪吳蘭柴湘陰周半帆默耕兄
弟及寧鄉之鄧南坡永綏之胡樸園友善時稱七
子諸君皆兄事之稱之曰鄧五丈澹雲亭集自言
爲潼關楊玉谷攜去未還今所存者岸花草鈔本
較孫吳諸子才力似稍遜蓋殘帙也

出門行

適軸本微尚弧矢念生初桑榆事遙征有若秉燭遊未分
鶯燕侶妄希鴻鵠儔豈謂辭巢出翻勤鳩婦謀婉婉前致
詞緒語如栗留卿言亦復佳去住甯人由但收中田秬爲
吾營糟邱會當持螯歸酌子慰離憂

讀史

魏齊勝之友我愛趙平原當時有虞卿崎嶇爲相援人生
重意氣成毀何足論如何終離昧失足韓王孫

刺剗不愛生光鉗不遽死此事主不知獨有吾齊爾巨罪
固當誅慷慨謝天子跼犬亦吠堯惡聞齊辨士

燕丹求死士虛名惑武陽圖窮匕首見白日躋無光雖云

劍術疏始謀固不臧我行邯鄲市微歌猶變商太息擊筑
客袖手委路傍

武安過魏其仲孺速之行爲爾城南田失我顏水清人自
驚丞相向背視枯榮如何立然諾遂令死生輕乾餒小愆
爾塊壘故難平首鼠辨此獄碌碌漢公卿

長句戲壽內子

緋桃三月蒸霞天誰家玉案飛瓊筵我亦歸而謀諸婦有
客有酒輒忻然嗟予夙抱幽憂疾遺挂早賦蕭條篇離鸞
棲鳳歷幾載悔橫紙帳清宵眠舊劍難逢莫邪鑄靈膠漫
續忽雷絃黃頭敢爾笑諸葛高髻德耀伯鸞賢織女練素
不如故兒衣差免蘆花穿米鹽凌雜百不管聖室曾更涕

四連以茲粗安鳩鳥拙翻若翡翠交相憐篝火熒熒雞喔
喔咿唔聲與機杼聯但願藁砧致身蚤豈知磨蝸身命纏
卿言亦佳時慰藉好官不過多得錢況有先人敝廬在從
子行耕鹿門田前唱後和歌陌上長鑱對荷月娟娟應門
有奴憐頗士入室無婢侍鄭子綠窗蓬戶形影弔舉案時
聳吟詩肩晨炊屢屢佐熟食暮抱瓦甕汲寒泉但恐尊空
罍亦罄清明已過冷朝煙何當拔宅雲中住令人歎女僮
乎僊

畫村

鎮曰孤村路南山更北山春田泥活活澗道水潺潺亦有
林泉癖從知稼穡艱遠風交隴上披對豁塵顏

獨立蒼茫裏悠悠感自多躬耕吾所願經世事如何歲月
驚心逝風雲觸眼過古人憂樂意未分付蹉跎

楊玉谷明府秋影圖

霽影三更月商音四壁蟲何爲耽寂寂聊復證空空吾意
雅如此天心無故同驗時推閨葉未是感秋風

鑿石浦杜陵草堂

信宿詩人地荒祠傍水涯楚巫猶祭社蜀客已無家雨立
憐沙鳥風迴認埤花香芹聊爾薦憑眺起長嗟

次玉谷明府詠蘭元韻

采采思君子蹇然空谷來當門知爾畏入室爲誰開佳句
清如此芳心故未灰風爐憐臭味特遣試茶杯

中宮寺訪雪舫上人不值題壁

豎拂拈椎遇總疏水邊林下地餘初輪君面壁猶敲句老
我名山未著書吾道百年常鼎鼎浮生半日偶遑遑清溪
白社多時夢欲舉前因一問渠

羅虎文補官粵東枉過山莊遂贈之行

桂叢差喜卸塵鞿御埭風頽舊雨稀脫粟尙餘萸稗熟呼
醅聊引蠨蛸飛幾時絲竹延開壁一笑輪蹄竟款扉密坐
從容尚出處空山猿鶴下斜暉

翻孫幼梅書問兼述近懷

停尊無語對雙魚往事沾襟堪繙餘三策終惟繁露學五
湖漫數計然書自注幼梅以冠彈貢禹吾何羨金鑄鍾期

願豈虛頗怪梁園遲授簡四山風雨茂陵居

寄張芷卿農部

殿廟手筆推燕國畫省文章重左司大饗好爲清廟頌百
官競賀早朝詩簿書堆裏時開卷散直歸來偶畫眉學道
勝情都不減風流自昔應多師

詠菊

西風黃葉滿闌干勝有秋香耐曉寒高節未妨籬下寄重
陽多向雨中看小山招隱憐叢桂金谷成空悟牡丹莫謂
帽簷輕折取頽齡還藉落英餐

張蔚齋比部出守黔中駐節里門有贈

虎節麟符錫尙方路車騎士過江鄉法曹正倚張廷尉啟

事頻推晉望郎銅鼓千峯般豹霧胖舸百姓表蠻荒星輅
驛路仁風布嶽色晴開萬里疆

度支三載官情違再召延英感賜緋綽楔何心榮畫錦觚
梭有夢戀宵衣東南民力今何似猺獞歸誠古亦稀好爲
蒼生酬寄謝雲霄爭覩一鴻飛

望宜春臺

梅花幾點照江濱楚尾吳頭市語新漫擬崇臺供小眺輕
帆斜日過宜春

游清溪歸途口占

春風扶醉下高寒漱石香泉詠未殘清興南樓應不淺夕
陽山影滿闌干

度香橋卽事

梅花泉界畫村遙亦有雲林屋覆蕉
慚愧十年稱鍵戶青
山一笑度香橋

詠史

魚腸一擲感吹簫碧血長殷豫讓橋
韓老縱然羞共傳只
今易水尙蕭蕭

尺面曾窺鐵硯穿六州錯鑄割幽燕
中原縱有橫磨劍說
到陰山不敢前

帶礪東南鐵券開表忠片石鬱崔嵬
如何狼狽芒山寇不
見錢唐弩矢來

呈王九溪先生

香名銀管紀湘東虎觀書成報赤虹好爲斯文留一髮何妨此老不三公

蚤行

邯鄲消息悟黃梁蝴蝶溪藤夜正長底事曉風殘月外一般辛苦趁人忙

夢中別友

客中饒客難成醉君去思君應有詩別緒秋風吹不斷繫人無那柳絲絲

洞井道中紀夢

賦別同拈折柳詩吟髭搖落數莖絲誰知茅店雞聲月不是巴山夜雨時

王南陔敬禧二十九首

敬禧字孝承一字南陔號春墅先世居浙江錢塘
其後客遊於楚遂占籍爲武陵人乾隆中貢生有
詩教堂集南陔少端謹刻苦向學嘗學詩法於研
北翁褚筠心侍講廷璋督學楚南時亟稱其文行
詩教堂集紀文達公序之其甥趙文恪公爲鋟版
以行文恪致身通顯刻苦如寒素蓋得力於舅氏
者多也

紀文達公序詩教堂集凡六卷曰研農草
曰郵籤集曰閩海二集曰庠蓮獨倡集曰
松濤園草曰南陔書屋鈔曰夫江草而附以詩餘
蓋暮年精自沙汰之本故其中可傳者多不爲巖
巖斗絕之論亦不爲奇怪惶惑之態而
和平溫厚能不失聖人立教之遺意

久雨霽得明月

風停夜寂寥涼月落前席水氣接虛池霏微天逾碧遐光
靜心機空青杳人跡蕭然立廣除疏雨墜高柏

舟行望昭山次韻

昭山遠當案久永登山心緩棹潭外來極目窺高深銅青
壓峯頂鐵色皴巖陰夕陽明山椒矮屋曲折尋湘淵本無
底自注水經注山下有旋泉深不可測故言昭潭無底也山勢一以臨何當理雙屐
攀躋叩雲林

潮音洞

石路迴松杉寥蕭露清景循彼白版扉叩此丹巖境最屬
一軀微才孑雙趺梗窈然邃宇開神工竭馳騁地負勢欲
傾雲頽色方暝石骨成支撐山根見剛耿其閒蒔精靈光

怪變俄頃顛或鼇戴山頭乃樹結癭寒苦疑搖肩熱酷亦
袒裻豁牙笑正張裂眦怒旋悻眉低竟沈憂鼻息難睡醒
亦復菩提慈誰若天魔靚中乃具莊嚴性極普門靜梵音
衍潮音定力制羣警是謂大神通於茲失頑礦其有窮攀
援礪砌陰森併蝸石隕天關歷落壓山頂有時因風旋歛
灰及肩頸苦竹春芭遲暗泉微潤冷大塊多勞途避喧得
幽迴虛響忽豁然空山發深省

燕子巖

誰揚摩天斧細界千片雲片片作勢飛小歇溪之濱又若
裁陟釐長風吹紛紜其或葛媼戲亂摺蝴蝶裙憑高無靜
態擁簇各有羣千丈時一落凝睇翻水紋危構乘巖居空

龍定颺颺鐘磬有時作正似天半聞苦行老頭隨晨昏事
鑪熏謂非死灰心虛響未可分山人儕猿猱仿佛懸臂松
山寒氣候遲野燒薪榆粉我行南河久自注順昌以下至
因關謂之南河
水宿頻煩寃到此心轉悖靈怪蟠氣氤奇巒互波濤高下
張腴曷由清羈魂矯首避斜暉

六月廿四日邵武山行過龍關破石諸處

笠帽覆兩耳觸熱昇竹籃屨骨支炎歊延緣陟層巘行行
不容趾宛若來左擔俯瞰杳澄碧藤蘿垂淵潭比昨水大
上河沙擁空哈徑峭浮埃深往往迷所探跬步一或失隕
越顧可甘夏氣正大壯焦原解樂耽我豈謝公屐畏景增
顏慚水宿悖心魂方期離憂悵咫尺足躡澗川陸同頑慙

小佳惻心曰何解貪夫貪

溪行春眺

春山如香匳百卉在所攬金翠自零星脂粉交映掩清溪
碧半篙鏡光明潏潏宛然婉嬪人靚粧親點檢晨曦照未
融遠黛嵐初斂木末八九家架構隨巖广桃花燒欲然柳
葉汁堪染翦刻勞天工憑襟亦何敢索居無獨謠行春會
心感天和卽此知陰陽各舒慘

繡竹詞 并序

雍正癸丑閒先君子曾遊灃陽見於筆記者有孟氏家
山繡竹葉皆縷解云是杞梁妻鍼帶時念遠所爲至今
蕃茂今年晤蘭江楊翁爲予云昔曾親訪其地前所爲

姜女祠祠僧云屋後徧山竹皆是然當以無意觀之若
預爲期恐不獲見爾時登山延眺果與常竹無異因凝
神注睇良久葉漸有散者既而彌望竹葉皆散多分爲
五縷者當風策策亦不復見其合矣予重感其異爰仿
樂府體賦之

香鐙滯遙夢刀尺敲寒心霜根與雪榦倚此修竹林竹林
葉何多隴阪又交河良人役何地雁足無經過檢我嫁時
衣衣敝金縷飛單絲不成匹愁深嬾鳴機小時繡鴛鴦雙
雙復行行停鍼靜凝睇檀欒影生涼石人立山頭汜人泣
河流王事幾所迫薄倖非君儔竹竿亦有詩竹葉亦有思
纖鍼割未破柔腸斷多時縷縷連條條披離青鴈毛海枯

石可爛此意安能消只今幾千年精靈寄蟬蛸未欲粗心
人輕言我見憐

湯頭亭溫泉

燭龍睡熟焚其髯火珠墮入黃泉潛誰鼓橐籥吹炎炎魚
眼湯沸薪猶添氣蒸珠跳循流占趾步不共陂塘淹我久
塵垢值所炊浴滷已具無帷幃澡濯手足心難慰譬彼疴
痛希鍼砭薰風浮徧千山巖朝夕得求貧家檐庖鼈膾鯉
人具瞻以釜飮繫何庸兼賜谷一脈藏箱匳火爲水妃理
不嫌陰陽爲炭取則廉滋潤仍足生葭蒹嗚呼若漢華清
誰敢涪氓瑤瑤引成清嚴只今農子湔犁鈴曷不一決洪

爐燄

灑口阻水三日水溢奔漲風雨不輟倚枕漫成長句
水勢未至聲先號倏忽平地驅洪濤高原遠岫盡煙障蛟
涎龍氣蟠腥臊風雨迨遲騁奔放大波盡力吞礮礮靡蓬
一葉任飄撼牂柯繫纜憑堅牢鰓揭顛頓忘日夕正懼一
縱隨流漂胃翻鬲懣不欲食移漏拍拍蓬窗敲建瓴直下
雄且駛殊異一芥依堂坳竹箭飛湍已三日雨師河伯同
宣驕濟厖不慮溪壑破吞蝕豈顧舟楫塵微生僅仗寸版
寄甕得偃仰云安巢隻身遠遊何所取執鞭求富未足嘲
筆札因人覓升斗夏畦甯甚趨承勞壯哉雀鼠有餘食臣
饑誰冀分釐豪研田耕穫尙乃爾科名詎謂顛髭操槐花
消息久邇逗暑中孤櫂歸迢迢灘獐水淘石礫布周折石

罇擲輕舫一上正復三卻蹟興爲勁敵憑強篙咆哮澎湃
日相習性靈汨沒神情銷更將一葉狎鴻浪故都亭堠猶
迢遙嗚呼丈夫讀書貴致用明廷和氣希夔臯不然陞伏
守邱壑長林豐草容遊遨胡爲羈窮履虎尾賤軀無乃齊
鴻毛

廬山行贈劉秋圃

白雲不隱廬山高含真藏古神寥蕭先生長嘯下崖谷
微雲氣香方袍山鬼不嘒劍花紫筇杖癭瓢落都市眼底
三山舊閱塵袖中五嶽真形紙蒼龍吸墨無水文雲垂海
立驚紛紜粉筆可活孔北海綵絲誰繡平原君滿堂絲竹
詫古調明月無聲萬山峭城內朝朝白酒昂山中夜夜清

猿噉廬山秀甲香鑪峯屏風九曲蟠游龍金花玉蕊白春
色青泉白石容秋空我欲平攀南斗看雲穴君家無乃主
人翁

對月

半壁影浮天清光又度年凍虛晴雪水寒覆隔邨煙今夕
夢何處平生信自憐迢迢雲脚遠底事對嬋娟

月夜泊朱洲聽度曲感賦

煙暝急鷓鴣清歌正起遲湘江不流處山月乍明時遠道
攀芳草蓬場和竹枝獨憐聲半咽哀怨爾何爲

袁州道中

三月西邨好青畦娛老農秧鉞延水秀麥熟帶雲重日氣

薰朝似難聲急夜春萌檐聚清景時復憶過從

訪王荅堂遺迹感賦

寂寞臨川叟風流王荅花文章留節概詞賦發雲霞碧蘚
蘊歌扇青山失故家到來增緬望莫漫按紅牙

西風

關河勞夢寐誰遣夕中生月色不離地山寒盡入城
巖虛聲答響秋老雁無聲處處皆長道徒看白露盈

新寧縣署同人出西郭訪摩訶巖登放生閣

嶺峙摩訶峻蓮潭水注長一城資砥柱萬古勒隄防
山骨當衝健波心漱影涼示公有遺蹟邑乘未能詳

一統志載蓮潭岸上

萬古隄防四大字爲周濂溪書石刻宛然

讀芝龕記有感石砭秦夫人事後題

貞固寬巾幘功偏著遠荒効忠輕洗氏宣力勝奢香白楷
蠻軍陣紅鞞侍女妝簡書徵命急兵氣倍飛揚

自襄師行食貞誠奉帝邦平臺明主感甲帳漢臣降績累
勤遼海謀非失蜀江史歲名將傳女子正無雙

歲暮雜感

黃華山色近日與容相於位置宜邱壑行藏異卷舒歲時
荆楚臘風味武昌魚卽此雲嵐重何從駐役車

冰雪求虛化青鹽永嘯歌交情貧士少病味客途多妙緒
靜盤輓神方洽薛羅何須羨文鳳遠覓玉山禾

望桃源後洞二首

縣濛林藿抱山斜山上秦人舊有家
版籍何須區魏晉神仙端台愛桑
麻巖扃清閟誰探鑰桃樹芳穠正
作花知有層樓鎖深處避喧應厭
世人誇

尋源願結十年前津逮靈區亦惘
然石髓未餐仍俗客雲林無地學
顏仙刀圭湯搏三升酒卿相何如
二頃田應被漁郎笑行役沿溪紅
樹不停船

瓶菊

圓花璀璨發西風色相初窺曲室
中霜後巖阿孤賞在客邊尊酒素
心同閒門舊迹栽三徑今雨瑤華
寄一叢振觸鄉園書訊杳橫琴應
對鼓離鴻

半畝蒿萊處士家霜寒籬落未全
遮別懷欲采珠盈把對

面眞成水一涯味愜道腴枝澹宕憐深入瘦葉欹斜膽瓶
消受維摩供清夢中宵莫漫嗟

聞龍介堂歿於京邸詩以哭之

狷性同予氣誼敦短檠猶記共荒村狂來稷契身曾許佳
處曹劉氣已吞書札暫通千里夢文章何補一家言空餘
行篋遺編在無復開尊細重論

辛亥正月十二夜步月

埽淨陰霾月近圓庭除徙倚意翛然久經冰雪猶畱凍管
觀煙花已判年過境願居安樂國養心眞契太虛天晶瑩
咫尺靜相印一任鄰家噪管絃

穀雨日蓮潭書院漫成

沾泥柳絮不飛歸漠漠春陰穀雨天排闥山青濃佛髻映
簾波白趁漁船羈懷觸近心誰寫鄉訊希疏夢亦捐擁鼻
微吟還獨笑不妨於此悟窮禪

青陵別墅

并序

陳惕齋學博有世業在白馬湖上卽曾南豐歸老橋記
所云青陵之田也嘗考得記中之柳侯乃筠州牧柳平
字子儀今孟冬朔邀同人遊賞其地且謀作亭以明舊
蹟同次頴濱寄題柳氏天真堂康樂樓元韻

柳氏當年畱架構榜懸康樂又天真苦心苟未披文徧俗
說誰從問字親詩屬頴濱新贈句序憑山谷舊傳人合將
歸老南豐記勝地由來翰墨珍

訪得橋基知好古欲增亭子意如何暫歸未便忘簪紱娛
老將毋倚釣蓑黍稷稅隨烏犢辦滄洲盟共白鷗多千秋
抗想幽棲在湖月林風信靡他

陳同甫覺民二十九首

覺民字同甫號耕巖湘陰人周希甫先生有寄姊
壻陳同甫詩云論詩酷比申韓律多難頻分管鮑
金又云能甦萬人瘠白博一身彊可想見其人

紀夢

挈伴窮靈竒徐行未嫌遠山深絕塵囂細路復紆轉空翠
壓林梢芒屨踏苔蘚鳥語託人行茅檐吠村犬野花沿徑
開殘英惜蹂踐隔鵲夕陽明山光綠如染褰衣涉溪流水

寒清且淺迢迢暢幽情煙霞得指點欣茲物外遊世慮頓
消遣

山居雜咏

幽居少塵事庭院寂無譁洗硯臨新帖斟泉灌晚花林深
忘雀鬪檐靜任蜂衙卻喜遲遲日偏長山客家

闢地緣栽竹穿池爲種荷圃才三畝大花過百叢多道勝
窮無鬼身閒睡有魔物華渾似約一一入吟哦

學劍非吾事爲農病未能檢書朝據几覓句夜篝燈邱壑
容棲憩山林恣眺登心空諸妄息時事預何曾

昨遇蒔花叟新傳種樹方截筒韜茉莉灌水蓄昌陽橘嫁
新枝茂梅發老格蒼兒曹暗相笑繞圃日何忙

時復捫便腹山居不負吾甘瓜緗赤玉新芡擘明珠杯嫩
松花熟盤香地菌腴樵青殊解事野採佐朝廚
閒從鄰曲歸息倦倚柴扉傍舍菰蒲老沿畦豆莢肥健蜂
衝網去飢隼攫雛飛時有清風至輕涼生葛衣

書感

天地猶然有劫燒一枝且可寄鷦鷯年華冉冉塵棲草生
計茫茫鹿覆蕉野性人皆憎叔夜醒狂誰復恕寬饒懸疣
附贅今參透習氣雖除恨未銷

壯氣銷磨歲月邁墮身劫海任沉浮丹飛金鼎仙緣薄夢
醒南柯妄想休食肉定應須燕領求官那許及麀頭卻嫌
樂志非通論強道青天可寄愁

南齊書卷誤華年負郭曾無二頃田妄擬學泗能濟溺本
希成佛卻生天命窮子羽甘頭責畫臥邊韶任腹便虎吼
篋中君莫異而今知我獨龍泉

臥病枕上口占

鏡裏顛毛失故青人閒無藥制頽齡癡情未斷身爲累倦
鬼難祛筆不靈苦潦又逢騎月雨惜花愁見照泥星枕涼
簟滑牀敷軟羸得閒眠讀道經

欹枕昏昏睡思濃不才天遣臥山中涼生竹榻芙蓉雨香
透紗廚茉莉風遇事稱佳真上策閉門覓句笑阿蒙畏人
避事常稀出政恐酸鹹有異同

睡穩宵涼病漸輕蠻藤竹枕不勝清夢回月落羣鷺寂野

迴風生萬竅鳴茶竈筆牀幽事足藥爐經卷道緣精名山
有約吾終去事願猶懷畢向平

山居慢興

占盡癡頑信宿緣底須足穀與多田閒中富貴花千樹貧
裏功名詩百篇赤米白鹽堪卒歲清風明月不須錢世閒
誰更慵如我日上三竿尙熟眠

殘年已分付犁鋤報國文章計竟疎世業未離龜手藥雲
林敢望鶴頭書築場墾地晴收稻坎井瀦泉夜灌蔬一飽
以還吾事辦紛囂原不到樵蘇

詩書拋盡愛農桑只有躬耕計最長雲子翻匙新稻熟松
花蒲盞嫩醅香一錢不值老兼病百藥難醫拙與狂山谷

蕭然人跡少飯餘消受野風涼

貧賤

貧賤消磨烈士心漫隨閭里共浮沉詩無傑思嗟才盡學
轉荒唐坐病侵憂患正由生識字阨窮那有運堆金未登
鬼錄猶賒死寓世徒增感慨深

春日訪周澹園馬上作

一徑蕭疎雲氣昏橋橫野水曲通村是誰茅屋青山裏開
了梅花尙閉門

雨霽出遊近村

陂塘雨過亂鳴蛙村徑人稀畧徇斜馬上忽驚香滿袖道
旁開徧野薔花

夜坐池上

夜闌移榻近池旁，竹裏風深笛簾涼。山月欲斜桐影轉，滿庭清露藕花香。

感事

謀生儂白歎迤邐，良馬當咨范柏年。酒媪染人渾漫計，自注

劉後村詩染人酒媪迤邐傾囊先辦捋髻錢。

急信頻催佐壽尊，西平皂襖漫無存。書生筐篚堪珍重，覓得相如犢鼻裈。

詩禮徒爲發冢資，衣冠清旦欲奚之。如何口未含珠者也，把金椎控頰頤。

升斗方懷困，酬憂無端目可監。河侯渠儂也是鴻都客，人

地升天不肯休

信書無計斷交馳慚愧吾宗六出奇說與磨門爲婉謝但
言身死已多時

草茅報國早輸租催督寧須待急符遮莫里胥狎似虎詩
情能敗乃公無

春日

柴門口午樹陰底自酌村醪醉似泥陶夢覺來聞燕語夕
陽還在小窗西

竟日尋芳興轉添平原日暖草纖纖爲憐春色無多許拗
取山花插帽檐

籬邊新筍盡含苞燕子呢喃理舊巢庭
院日長鶯對語東

風開到棟花梢

朱亦垞和塚八首

和塚字亦垞武陵人硯北翁子乾隆中貢生有集

畫馬

畫肉太肥骨太瘦紛紛畫馬誰居右龍眠居士松雪翁韓
幹皆出曹霸後畫師我謂如詩人讀書萬卷方通神胸中
若無十二閑地上那見真麒麟當軒健筆頗不弱直逼驊
駑失空濶爲持此論問杜甫莫道人閒無伯樂

重陽後一日聽高山人彈琴

山城秋氣蒼梧來颼颼入牖松風哀龍山落帽罷高會草
堂把菊傾尊鬪海上仙人抱綠綺入門一破雲中齒移情

定有水仙操爲余遠駕琴高鯉須臾月出東山高賓御屏
息微吟猗丁東鳥啄枯木啄郭索嶰翼寒蘆螯放手一奏
瀟湘空瀟湘雲水青濛濛回軫再鼓洞庭水洞庭無波秋
雁起我是煙波一釣徒明月扁舟從此始

閏六月十五日對月

自注是夜立秋

皓魄不改色清光流至今庭前下風露一夕生秋心迢遞
念鄉國高天調素琴寥然衆山響坐我青楓林

登江神閣

江渚尋佳構蘭蘅薦一庭當門收遠舶隔院聽緇經

自注閣在

爲迴風古刹

樓閣臨無地風騷乞有靈聞詩懷屈子煙水際青

冥

秋蜨步韻

驗取前身是荔枝炎荒物態感秋遲那堪零落煙花部暢
好消磨綺靡詩柳外梅邊濃睡處蓼紅葭白獨飛時可能
重奏山香曲淒絕蘭亭竹與絲

湘南懷古

荆湘路接洞庭波夾岸楓林幾雁過虞帝祠荒殘照冷番
君臺迴暮雲多悲風流水空傳瑟柔艣青山好放歌指點
汀洲芳草路白蘋無際奈愁何

同人遊德山

蒼灣遙接洞庭秋此日登臨望裏收巫峽少陵渾漫興江
關宋玉不勝愁一山楓樹蕭蕭雨萬里峯岷滾滾流直上

層臺一回首浮雲西北有高樓

重遊光佛寺看桂有感

不到禪關已六年秋光又值木犀天重來舊口留詩地無
復當年撰杖前老樹當門仍爛漫故人卽席與流連座中
獨有卑魚感落葉西風一點然

陶秀才樂一首

樂字士表安化人諸生性好學家貧不能從師是
時吾邑黃先生方倡學湖南所過之處從者如雲
士表隨之不肯去黃先生收爲弟子賞給之授以
三禮及律呂之學悉得其傳旣籍於學而黃先生
歿士表率諸同人數百里送柩之新化廬墓三年

沙洲耆舊集 卷第二十四
始歸晚授徒益陽沅江每逢鄉試年輒與余兄弟
聚晤長沙屢試舉人竟以窮困死黃先生名遇清
字國高其學無所不通陶文毅嘗爲余言近世吾
鄉儒碩當以先生爲祭酒而時人乃罕有能言之
者可慨也存士表此詩亦以存黃先生也

哭黃先生

大道久不著斯文終古頽先生豪傑姿拔起南方陲讀書
一過目衆理無不該晶光奪星日咳唾生風雷所至風偃
草奔走期追陪先生出所學有教隨所宜衣被各有得大
幅妙簡裁德音別以科狂狷成其才如彼白鹿洞義利剖
毫釐一時聽聞者淚下不勝揮始知倡道人天挺文在茲

云胡舉世望一朝梁木摧後死不得與長夜悲泉臺千里
白衣冠執紼荒山隈寡妻無幼子悽惻途人哀起塚藉衆
力置產護一抔有淚落如絮倏忽滿胸懷先生竟已矣斯
道其終衰

陶秀才體

五首

禮字彥掄號蘭江安化人諸生於文毅爲從兄弟
性豪爽家貧好學授徒爲業所至人士爭相慕嚮
爲小澹諸陶之集

夜坐龍洲書院作

資水從西來浩漫流煙廓滾滾茱萸江到此一停泊憑空
出高標傑構三台閣榜語揭清新尙認羅與郭宗伯寶朝

望蹇蹇一士鶚大聲叱烏程中立無蜀洛九矣社稷臣書
禮務精博些庵故天才矯矯雲中鶴中歲挂冠歸滄海倏
冥漠題詩弔國殤荒寺充行腳堂堂故國老談笑無經畧
巍然魯靈光衣冠殉邱壑二老風義同餘事闢述作願以
策後賢斯文終古託

孝女瓊姿詩文彙冊題後

有序

鄉賢黃江公孫女瓊姿從弟雲汀中丞第二女也至性
過人幼嫻禮教其母黃夫人嘗病篤瓊姿侍湯藥剗其
左腕肉皇遽墮雪中不可得呼鐙照索雲汀聞聲呵之
遂重剗一瓣煮藥物進之淚猶涔涔也雲汀異而詰之
跪曰兒急復剗此腕和羹耳闔室皆驚時年十三也嘉

慶二十一年邑士聞其事上之大府得 旨旌爲孝女
給銀建坊蘭山王訪作記時以詩文紀者甚多余閱之
因敬題其後

天地有至性往往神鬼驚血肉出親體判以醫所生報本
已忘苦操刀若遺形一割再割時飲泣先吞聲憫此孳篤
乃乃出於弱齡見者爲心惻聞者爲淚傾昔在我先世孝
義垂典型大汴救溺者倉卒出至情抱持赴汴流曹娥江
並旌爰有嘗藏告午夜凜虔誠志氣通竈寐精忱感幽冥
門戶光且大豈不以人榮表閭 君貺渥貽世祖澤清闈
揚關葬好大可興羣氓賦詩聊紀事崇實非徇名

長沙覽古

長沙清切古湘濱開國番君跡已陳
卑溼諒緣城郭狹回旋添得幅幘新
柑園樹老悲才子蘭畹香衰怨夫人
南望春陵佳氣接定王臺畔草甦甦

九日登沅江尊經閣復偕遊景星寺歸飲駱學博署
中卽席次韻

颯颯西風又晚秋臨沅高處一登樓
書廚汲古偕中壘自注吳君蓋堂時預自注僧院題詩共小修
自注弟雲汀紅樹蕭疏山徑冷
黃花爛漫酒杯酬座閒笑指凌雲塔乘興還登最上頭

重慶城頭遠眺憶雲汀弟時方按察山西

巴子名都昔所聞塗山高望禹功勤
江聲曉捲青神雨峽

氣晴收白帝雲崖擁百層樓隱隱字成三折水沄沄獨憐
舉目誰知已汾晉遙遙憶別君

沅湘耆舊集卷第一百二十五

新化鄧顯鶴湘臯編輯

長沙毛國翰青垣校訂

左贈君人錦一首

人錦字松埜湘陰人監生家貧勇於赴義嘗仿朱
子社倉法倡捐穀爲族倉以備凶荒歲屢歉而左
氏無饑人著有族倉條約詩不多見其孫景喬學
博宗植爲余誦建族倉詩歎其詞意沈摯疊斐動
人不特良法美意之足傳乃其詩亦未易及也

議建族倉詩

限田法久隳口分制已亡嗟哉生人艱咎厥無益藏去年

歲戊戌赤地連湖湘萬錢買斛米瞪目不有量草實與樹
皮掘弄充餓糧吾宗數萬指餘生出糟糠今年幸有年徧
地嘉穀黃及茲狼戾餘曷不解橐囊指困固大佳斗石亦
不妨筦鑰必族老勾稽顛宗良豐年息什二歉歲蠲不償
鰥寡與老廢薄少相扶將吾聞古先哲仁術重救荒隨有
長孫平漢有耿壽昌宋則子朱子良法尤彰彰彼爲齊民
耳尙復周以詳葛藟有本根恩愛况一堂莫聽斗粟謠耳
塞心爲傷希文獨何人千秋傳義莊

雷歲貢輝郢

一首

輝郢零陵人乾隆中貢生

明月庵弔王漫士

山河瓦礫事誰論憑弔孤忠枉斷魂文信已難扶宋室晉

江何處哭天門殘碑洗字閉心血皓月當窗照淚痕惆悵

小臣埋淨土墳頭風雨自朝昏

原註庵在黃溪

按王漫土名兆熊周福寧人崇禎時歷官御史太僕少卿奉使往蜀至永遇陷遂巡於黃溪明月庵自以八世國恩義當死報於
絕粒九月既望白題一聯云不辱國不辱身不辱親宗不辱邦所學吾知免夫何愧心何愧理何愧君臣何愧中邦久死可矣有簡陳正直誼詩云欲白予衷言之實難同心之言其臭如蘭又云有如皎日望天咫尺昭揭大義每懷靡及十月十三日自題絕命詩云我是大明臣使蜀經此地義必不可生絕粒而永逝寄語同生者與我原共世十月十七日卒遺囑從者止以平日綈素冠服葬之前郡守同里黃士均偕兄黃翼麗及零陵諸生勒石越乾隆丁亥輝鄧以闢揚忠節呈請學憲陳公科捷立祀陳公亦閩人也惜未果行後碑仆輝鄧復呈學際縣修砌陳令三恪重刊縣人胡朝嵩等同立事詳零陵志輝鄧亦有心人也

李布衣世漢十六首

世漢字虎軒寧鄉布衣性孤癖終身不娶嘗一與
童子試學使者嚴懷挾令諸童科頭跣足以入虎
軒忿然曰是齒我於非人也遂終身不復試與安
化隔黃江贈公交好皆志節士也著有無與居詩
鈔四卷陶文毅公爲刻行

擬詠史詩

儒者好讀書達者鄙章句甚解所不求獲心時一遇慨念
主文成委講事戎務倉卒擒逆藩艱難展夷步一戰平八
寨羣蠻有餘怖男兒壯無成感慨生欣慕上馬能擊賊下
馬草露布

子虛生前賦封禪死後陳甘泉既頌漢劇秦亦美新年少
達國體治安策紛綸大儒識道原條對綜天人馬揚辭富
麗豈不邁等倫翦綵爭花樣要非造物春節義旣無取經
術更誰聞西京起遺慕賈茂與董醇

我愛新息侯馬革矢一死我愛定遠侯燕領飛萬里兒女
遺襟懷筆硯抱愧恥壯志一以伸夫人不敢喜功名旣及
時榮衰安足擬雲峰偶然蠡風帆會須艤

有入而無出撲滿定能傾有出而無入孤注幸求贏良箴
令人戢巧讒令人驚所以達古人功利一心平曲學成貪
詐鄙哉公孫宏云何寇平仲不學慢驕盈

蠡上占不事漸上占于達由來山水興此意當與誰試登

箕山上許由冢在茲試問桐江水巖光釣長垂不見深林
巢依棲借一枝不見東漢風節義倡一絲匪直逍遙樂要
爲頑儒師終南有捷徑由者無已時

木鷲飛以機麒麟出以植所怪亦何多得毋少所見雲路
自迢迢金多位不賤三公百萬錢銅臭傳遺諺太守二千
石雁美誇充膳結網亦良難漫作臨淵羨

君平賣卜日別寓濟人功多方語忠臣此意有何窮所以
聖賢徒當養以萬鍾而胡蚤下簾寂寞市井中想其自食
力百錢覺已豐資者自不足心計一何工廉者自有餘身
世則相通

漂漂水上葉沉浮不自由落落天下士思怨不能休身值

困窮口紛紛任所投報者心懸切施者未遑謀河清正可
俟寒暑一時周一飯無不償睡眠有必酬若令終夔屈此
憾長悠悠事在恩怨外姑請附虛舟

雜感四首

卞和足遭刖璧價重連城孫臏足遭刖豎子遂成名諒彼
自有真何心計屈伸謂事已至此便是未了因荆山一得
剖燕石愧纒巾馬陵一算勝將軍樹下隲

燭龍居北海銜照爭扶桑腐草積卑濕宵夜炫螢光兒童
驚指顧撲拾爭奔忙亦有寒賸士徵求斗斛量嗟彼若木
處誰解一望洋

蟬蛭鳴高樹飲露夜禁寒蛭蛭隨地有噉糞時轉丸丸轉

一飽餘露清一飽難何來螳螂怒殺心琴或彈營營樊棘
輩同氣乃交歡

蟲小有蝨蝨鼠黠時般舊人生百年內寸心豈不長奴便
崑崙似婢須如願償歲寒試松柏歲閨厄黃楊相彼淘河
鳥竭澤快飛翔何如信天緣凝立自昂昂

無題二首

簾靜雙雙燕子風團團深見月生東愁思好借秦箏託書
信難憑衡雁通浦外草仍何處碧門前花是去年紅畫欄
倚徧閒無事怕向天涯望轉蓬

人間如意事良難天上佳期怕夜殘寡女絲存蠶未死杜
鵑花老血纔乾石榴只妒紅翼豔修竹應憐翠袖寒惆悵

巫山峰十二雲行時向夢中看

落花

莫將花事論升沉零落猶驚鐵石心
自有名園曾共賞豈無絕澗未經尋
風流競託俱成昔蜂蝶空憐直到今
香豔若留狼藉處此時默默爲誰禁

落葉

落花時節莫須驚天地澄清氣已橫
目極雁飛雲萬里耳餘鵲叫月三更
縱沾雨露終無色便在風塵亦有聲
此際悲歌勞朱玉不然何處見澄清

朱布衣賢超

十八首

賢超字韋庵寧鄉人著有求告堂草韋庵終身布

衣早歲嘗交歐陽礪東又與同縣黃虎癡習二君
爲余言其梗概殆狷介士也詩亦不作尋常語

蔣琬故宅

諸葛既不祿王業尙偏安託孤與寄命公琰當其難徙屯
阻要害御衆秉心寬吳魏馳羽書戎馬紛驚看嗚呼赤精
衰典午窺泥丸楊竈閭嗣主權倖移中官陰平一失險面
縛多悲酸亦有費董流涕淚黃泉乾白帝城畫短定軍山
夜寒鬱鬱思雅志區區苦摧殘廢苑竄鼯鼠宿草零露溥
天意可預鏡始貴申屠蟠

寓古寺偶題

薦愁霜威厲噤瘁風勢嚴孤鐙背僧寮屯蹙憐廉纖裘衣

轉憎薄醖水貪趨燭不知壯盛氣墮此如凍蟾大衆紛騰
器壤臂爭鋒銛八萬四千座閉關無入眉鬢影魍魎笑桀
黠烏鼠覘形神一失我彼哉乘巧懷不壽洞若火昭伏誰
逃潛事會借蜺蜺神物亦滯淹浩劫劫萬萬入定寧懨懨
十笏能平重要與維摩破

李耽三冊子

保氏掌六書相沿立三估法物貫星宿奇文蝕風雨款識
窮則凸色氣辨今古斯翁體尙變潮也筆親取詞瀾出相
下雅故劃觀縷宗派衍名家子今遠繩武好從謝客遊記
勝樂史宇瀟湘爲同腕結騎駢纓組分子餘橐裝將母念
勞苦歸初如言游作頌疊吉甫於維羽陵蠹緬覲汲冢譜

波磔旣茫昧，窺輒失訓詁。別烈笑象弔，豐豐無快睹。但解聽雕蟲，安知縱藻斧。愛君能問字，對此若中蠱。況復遼尸饗，涕洟隱陟岵。我歌百感集，奚啻圖書府。

謝黃孝廉貽扇

騎陽爐烘纈，炎海蒸濤瀾。冰師縱勢至，莽歛不敢撓。風牀南國甚，力與燠火扛。企予深越林，翳此白羽幢。襲面清不滓，心心愠初降。一揮廬山瀑，再揮嵩山淙。又送嶸州雪，忽臨彭澤窗。雪藕浮甘瓜，揮手厭雜咙。豈爲庾塵辟，未須班月慢。素絲慎凍染，筠節傷橫撞。殷勤衫袖間，譬引開愚忝。何當亭臯詩，拜賜寶一雙。

雨

兼旬苦炎熱埃霧空幽室悵望西北郊興雲徒鬱律頊冥
秘其權蛟蚪不肯出晨起頭上黑黢黢復密密引頸過亭
午沛然自空疾驟如決江河遂及滿溝洫跂足傍檐檻開
襟洗髮卹退坐晚霽涼山風來瑟瑟

條蟬續旣雨壁蛩切新霽幡焉塵世心迸入涼秋思當令
故宜盛得勢會會替赤日方熾時洪爐豈不避涼煥一彼
此幾翻風雨至人情似易遷物理本無貳秋山淨可棲清
慮稍自遂性近得幽偏梁竈亦其志

遊嶽麓示一二同志

禹碣迷神蹟孤松齧石根撥塵登嶽頂懷古俯湘門日月
靈輶揭乾坤野馬奔龍蛇知有道誰與細分論

山居十首

近識買山意適然只對山到來塵鞅息管領物情閒人靜
天空闊秋高鶴往還庭階紛綠草不許小奚刪

樵徑崎嶇得漁磯泱泱通畏能忘夏日悲不到秋風畫永
宜書秘夏罔覺酒雄偶聞足音喜恐自輟塵中

祿利渾無管池林信有神烏翻煙外樹魚剗浪頭萍朋信
他山百文章大塊春浩歌隨意足幽獨與心親

黃金不高掛園事未全非鶴瘦知子空老閒爲客稀雨餘
常洗硯秋至漸添衣靜理時時得游心稍稍微

絕磴倚新晴寒塘落影明斷雲過水急宿霧出山輕作夢
幾荷芰苗交味菜羹茅齋復何有風竹自生聲

一徑入青蕪關心事事殊幽花窺媚蝶茂樹長慈烏屋漏
從雲補身贏得藥扶所親驚見過氣體近敷腴
簡與禮何背行於藏亦兼四時邊宅土九卦熟溫謙石不
爭名怪泉應得號廉此山虛衆妙不用拂龜占

故山時一報近狀頗淳厖不礙空林月遙飛絕壁涼積柴
爲虎落疊石卽魚紅何處問奇字天邊鴻雁雙

人事多消息風花有盛衰由來關物理不使役吾思掃徑
青松直開軒碧柳垂鄰翁說年稔來坐晚晴時

水石范寬畫雲煙張旭書茫茫供野興往往足端居夢落
遠鐘際春生時雨餘山林蟠萬象瀟散見眞如

閨思

高樓夜方永明月鑑羅幃不願作歡夢但願無醒時

黃歲貢孝事一首

孝事字移忠善化人乾隆中貢生

遊靈峯寺

積月苦霖沈漏下草屋溼移牀近乾垣時向簷牙立夜半
見星斗朝瞰霧猶灑遠樹雜晴嵐日隨飛鳥入攬衣度石
石泉聲幽澗泣喬木鬱蒼莽古寺俯原隰向夕扶筇出蒸
然腥氣襲林深襟裾綠想像蛟龍蟄

荆茂貢白才一首

白才字參兩潯浦人乾隆中貢生

廬山懷古

善卷逃名事渺茫，卻聞遺蹟在高岡。
煙霞痼疾誰能起，泉石膏肓世自忘。
丹竈遺灰春寂寞，楸枰殘局月蒼涼。
遊人至此增惆悵，燕語鶯啼日夜忙。

何秀才煥 三首

煥字星田，寧鄉諸生，與唐陶山方伯交厚。方伯客山左，官江南，星田皆從與唱酬，甚夥。余髫齡時卽見其岱下吟刊本，後過寧鄉訪之，窮老目盲不能見客。迄余官寧鄉，則星田死久矣。陶山丈櫛山詩話稱其佳句五言如紅鱗驚客影，綠筍礙人衣。斷橋斜飲馬，髡柳半藏鴉。鶯影欺蘆白，蛛絲罨葉紅。鳥護雙扉竹，花藏一鴈春。笛橫殘雪外，門掩亂山

開柳病橋煙瘦鐘殘塔影高
七言如風愛約萍行
別澗花知扶檻睡春陰鴉影午
歸秋樹斷蛛絲風
挂別簷斜波定樹爭池底綠
簷低花上屋尖紅馬
蹏踏騰千山碧牛背攜歸一
角風吟蛩滿院憐人
散葉落敲門報雁歸雲寒山
翠鐘移寺絮冷池塘
燕出簾月明縣郭寒於水牆
缺鄰柑綠到衙回徑
竹陰移鳥夢過窗風緒翦鐙
花此類差有風趣

晚步

秋漲雲俱澗村欹樹半遮落
帆迴暮雁歸懷載寒鴉坐石
樵歌近詩僧竹徑斜行吟過
小巷澹月到山家

中秋寄懷陶山登岱

銀河倒瀉玉池泉雨洗層巒八月天客臥僧窗雲促起曉
看杯海碧於煙

題畫

斜川妻子水雲居欲訪清蹤畫裏如門掩芋田鷄鵲語
聲滿屋雜縹車

舒秀才東八首

東字芬照湘鄉廩生少有文譽工吟善書畫屢舉
不第以諸生終著有青芬山房詩集

古碌碌詞

碌碌復碌碌坐食炊珠玉耶復慮百年一飽萬事足食糲
得充饑食鑿得果腹衆中恥非倫密居傷孤獨太息復何

益歡景日以促努力及時爲老大一棺束一歌令人喜再
歌令人哭古有韓娥女實能爲此曲

朱張渡懷古

我遊嶽麓遊其顛我遊湘水遊其淵吁嗟古人不可見紛
紛講學誰爲賢紫陽夫子有遺蹟耳目所及心茫然萬言
封事讀未得緬維此地占天山後世無復陸子靜當時乃
有張南軒西與南阜兩登陟尋梅踏雪分幽妍風雨橋亭
古渡口想當興發同翩躚流風遺韻今未歇居民擷秀懷
芳望行潦之水尙可薦願以澗毛充豆籩山中尊酒固未
乏要使胡絃口流涎

祁陽道中

遠岫遙開處青餘一綫天日光初覺澀山影未成圓石髮
梳巖壁雲芽漱澗泉人家谿畔住咳唾亦清妍

感懷寄彭二薄野

極點當年舊嫁裳熒熒皆淚滴青箱郭巾徐榻爭能賦短
李迂卒各擅場秋圃有花皆菊婢越人生女是珠娘猶憐
憔悴江潭上蘆葦先零白露霜

將赴鄉試寄春臺

送客年年作郡時秋風破帽又今茲小星賦命生來薄下
駟程材自信遲孤注那堪輕一擲背城聊復望全師滄溟
此去能乘便慰答人天未可知

占意二首

儂居湘江北郎居湘江南儂言江水淺郎言江水深
郎多歡喜容儂傷憔悴心郎作並頭語儂爲白頭吟

褚公洗筆池

殘碑剝落起相捫古物莊嚴屹屹尊奎壁乍當秋後色龜
螭新蝕雨餘痕唐亡九廟孤忠盡事過千年一石存孤盡
遂能爲禍水龍藻今已達宮門更衣狂昔傷先帝賜浴他
時啟後昆遑恤關雎開萬化竟忘彊鵲畏多言艱難國步
逢徐勣貴戚卿階賂長孫鵬鳥有聲悲下士懷沙無路叫
重關垂簾莫預家人事負展深孤顧命恩

邱秀才開陽 三首

開陽字星六號一亭黔陽諸生玉瑋七世孫有古

松園詩草

月沛園書懷

涼風何蕭瑟，減我庭中綠。
密葉辭故柯，叢荷斂殘馥。
野色淨如埽，山容澹若沐。
蟬蛩暮鳴哀，蟋蟀宵吟促。
感此時序改，深悲人代速。
身世等浮雲，飄飄無定躅。
百慮鬱中腸，翻騰車轉轂。
莫怪阮嗣宗，途窮輒痛哭。

書堂臨曲沼，澄波漾錦鱗。
遶屋蔭梧柳，濃陰鳴蟬螀。
山色黛百里，芳畦綠四鄰。
樵歌與牧笛，嘔啞旦暮聞。
課罷時晏坐，清寂絕塵氛。
於此得真樂，世路悔馳奔。

雀噪日光斂，雞鳴夜漏半。
蟲聲砌下悲，螢影風前亂。
秋氣逼絳幃，愁人心悵惋。
念昔諸弟昆，相對共隴畔。
夜眠或聯

牀談文必共案有酒互酌斟逢花同賞玩不知分爾我祇
覺樂泮奐此意不復得臨風發長歎

向歲貢達禮 一首

達禮字幾周潁浦人乾隆中貢生嘗客黔陽與修
黔陽志

醉石軒

頑石從何來聚之米顛越謂是醉如泥渾身皆傲骨豈不
有醒時無眼看簪笏若教能點頭凜凜秋氣勃

邱秀才厚瑾 一首

厚瑾字壁人黔陽廩生有松香齋詩草黃虎癡學
博云壁人詩有性靈句如耐冷不妨蘆作被謀生

除卻覩無田賜枯詩思搜難出運蹇錢神祭不靈
皆清新可誦

醉石軒詠梅

洗除今古繁華豔愛爾獨存面目真竹外蕭疏長伴鶴風
前欹側不依人夜深一樹白雲冷曉起半窗殘雪勻莫訝
冰魂多淡泊山中高士久爲鄰

邱秀才厚元一首

厚元字泰初黔陽諸生

還石軒紀事和龔太史韻

瘦骨嶙峋世所希銀螺位置護樊圍摩挲尙有先人澤曾
作山中歲與薇

賞心端的重情癡趙壁重歸事亦奇別後蒼顏猶未改故
山松已長孫枝

吳秀才山青 二首

山青字廷簡號崑巖常寧諸生

讀昌黎秋懷詩即次其韻

丈夫不可羈皎皎爽氣凌安能逐時趨促若被凍蠅自合
抱清正不妨流俗憎明月激清景高山見孤稜神龍舞空
闊奇矯不可習若看衡嶽上開雲誰獨能

春日石鼓源道中寄懷竹亭兄

男兒墮地多俗累先生有道不世情生憎野草連天綠轉
厭聞花滿眼明皓月白宜高士夢仙鷗獨傍海翁行一從

遠別芳園後風雨無情漠漠生

裴秀才珪 二首

珪字酌堂武陵諸生有酌堂集

古洗歌 有序

辛酉秋舟過洞庭漁網中得古銅器青翠斑駁索而視之
高五寸有奇口徑尺腹可容三數升許傍作兩獸耳口
齒環環已失中有雙魚形隆起銘曰宜侯王制作樸拙
字兼分篆博古圖所傳漢雙魚洗類也亟購以萬錢爰
爲作歌

首山出銅精且堅範爲寶器光燭天軒皇懸鏡應律呂大
禹留鼎昭神姦繫惟一器匪其類規撫質素形神完考古

有圖厥名洗冰漿挹注常涓涓腹隱雙魚勢撥刺旁鐫三字銘辭全爲想當年在朱邸錯峙玉敦珠槃閒丁時流落等瓦缶沈淪入彼清冷淵陸離光怪動水府蛟龍欲攫不敢前洞庭波始生乘興掉湖船浴日涵空景恰會探奇緣漁人舉網獲異物驚相傳視皆茫然遙望未明心已識入手古藻紛爛爛色如削瓜青透骨土花成暈彌中邊斯時意氣爲傾倒探囊盡付牀頭錢摩挲嗟玩不忍釋天雞亂唱忘高眠神物顯晦各有以豈有名寶終棄捐人生遭際一如此聽我長歌古洗篇

題魏蕪雪山水障子

胸不讀萬卷書足不走萬里路縱使羣稱老畫師亦只污

人緇與素李營邱與顧虎頭意匠慘澹與天游五日一石
十日水太乙下觀鬼咻咻請看歷代丹青史誰非當世真
名上腕中暗運如有神牆腳睡龙堪羞死魏君家住洞庭
西初光摩盪天爲低驚濤駭浪山倒立朝暎擁出紅琉璃
偶然畫學石田老雲夢八百吞懷抱赭黛林間露佛廬煙
光瀟沓連青草文章愧不石田如爲君放筆歌此圖仰天
大笑光如電翻身跳入壺公壺壺公壺中何所有亦有日
月磨蟻走徜徉聊復放閒情鼯聲直傲華山叟

悔因

悔因浮薄得虛聲不事耰鋤事苦吟煙雨一簑牛背好鶯
花五字淚痕深鏤塵應白嗣宗眼誓墓誰明逸少心自向

康衢猶窘步亡羊歧路等閒尋

楊秀才尙載 一首

尙載字地德沅江諸生

桃川

武陵溪畔疑無路雞犬聲中又有邨幾處漁家依洞口

灣又照潛柴門當年不解分秦晉今日何從問子孫悟得

桃源真隱意世間名利不須論

滕秀才斗南 一首

斗南字作求常寧諸生

合江亭懷古

石鼓鎮江亭蒸湘左右合征帆上下交漁歌互聞管我來

恣遨遊秋色一亭納埽石讀韓碑不受風霜拉景仰武侯
祠如對隆中榻徙倚步朱陵石洞門常闔伊人去已遠江
上風颯颯倚檻矚蒼茫靄靄雲煙雜

左秀才人特一首

人特字亦亭湘陰諸生

遊雲麓宮

躡薛捫蘿到上方諸天大地兩茫茫飛泉日暮挂高樹清
磬一聲山葉黃

段彬一首

彬字介人安仁人

宿天元山示恒觀老衲

步瀛集卷第二十五
深林別具一間天靜裏居諸遠世緣雨過看花多野意客
來煮茗有巖泉數椽非大身堪隱半偈無拘心自傳至道
原空文字障想君應不墮枯禪

周鏞一首

鏞字元音安仁人

登文明閣

一片煙波畫不成
揭來閣上獨含情
林間半露邨前屋
花裏時聞谷口鶯
雲月最宜詩思澹
風泉都付道心清
吾廬咫尺登臨近
薄暮憑欄眼倍明

李知謙三首

知謙字牧齋甯寧人有愚邨詩草

山齋偶興

深山復何有，片片白雲逸。下簾雲在山，捲簾雲在室。

邨暝

餘霞晚靄渺無垠，流水潺湲月一痕。葦岸風腥人獨立，
鷗鷺唳過打魚邨。

舟泊黃沙灣

兩岸烏唳江上月，一舟人在水中天。綠蘆沾得荒邨酒，醉
倒黃沙古木邊。